

續修東湖縣志

74491

2

00260.151

38

部202

同治甲子刊

續修東湖  
縣志

版  
卷  
五  
樓

東湖縣志原序



宋歐陽子令樊陵受事日  
淺未嘗赫々有宦蹟可紀述  
而為政風流藝見于詩文者  
則備載于江山名跡之所以流  
傳人情物理之所以散殊土風

叙

習俗之所以僻陋又時々禮接邑  
受士何參以習知荆楚遺事  
後之宦樊陵者採撫故實皆  
得本六一詩文以資攷據而  
歐陽子之協恭同寅委蛇退  
食表裡亦具是焉蓋不獨名

是書之適觀厥成也亟率董事  
者付匠裝潢成帙計若干部夫  
君子不掠人之美是役也其倡  
率邑人綜理局務所為釐然有  
條者皆金君殫精畢慮之所致  
至邑之紳耆相與贊襄亦均能

序

二

維持廢墜有足多者諸君迺屬  
余序言於簡端余方愧慕之不  
暇何能贅一詞然余權斯篆得  
覩其紀載以資治理是余之幸  
也爰綴數語殆亦附驥名彰之  
意云爾

續修東湖縣志序

東湖之有志也自乾隆二十八年前邑令林君平園始至今百有餘年闕焉未有續纂者蓋放佚多矣同治元年五月大鏞銓補茲邑下車興廢振滯略有端緒乃延都人士詢及志乘且謀增輯皆色然喜顧以經費不充與歲遠採訪難稽為慮因語諸君曰誠知其難然今不

輯後益難矣乃以二事屬之諸君皆忻躍襄事勸募得若干緡採訪亦次第續至於是即試院設局延監利王子壽比部為之載筆邑中淵雅士咸預編纂而大鏞綜其成焉按舊志體例頗詳整有法今分門悉用之而以續採者依類比附或有感觸則因事立論凡十月竣事乃撮其大意序諸首簡竊惟古今之政

莫大乎善因因之大者莫先乎地與時  
教令特化裁通變其間爾志者所以著  
相因之迹也今卽東湖論之居楚蜀之  
交扼峽門之隘形格勢禁戰守兩便此  
其地與時歷今古不變者也乃若閭里  
由荒寂而殷盛財貨由儉瘠而豐衍風  
俗由樸而華士氣由質而文又時地之  
大變於古者也今夫東湖之險不下虎

牢劍門矣咸豐間鐵牡再飛兵火所燔  
郊闕殆遍恃險而忘戒備無亦桑土之  
謀未豫乎粵逆倡亂淮網絕而蜀鹽通  
連檣接觸銜尾不絕由是百貨充物商  
旅鱗集西南數千里綰轂於此為大都  
會不啻昔之維揚漢皋焉然保無逐末  
者日多緣南畝者日少乎都麗奇異踵  
事增華吉凶相尚漸染成習能無少節

其流約之以禮乎科名蔚起通華相躡  
意者經術行誼與文武開濟之具當亟  
講乎孝子悌弟烈士貞媛扇芬竹冊不  
絕於書來者倣慕果能勉而不怠乎且  
事又有大變於古者邑多山素不憂水  
曩庚申夏岷江驟漲漂室廬人民無算  
患生慮表安可暫忘軍興以來轉餉不  
足閩帥以蜀舶所聚算緡括租碁置星

羅茲邑為多先後供餽餼約銀二千萬  
以上一時權制誠不得已然杼柚之勞  
可念也今之茲志凡斯之類悉皆標舉  
俾為吏於茲者得所因而施教令卽邦  
人亦可察其變而益敦風尚其歷年既  
久無從採錄者謹效闕如若夫侈山川  
文物之美盛以馳騁淹洽為能者則英  
流才士所務無煩有司者攘臂其間也

同治三年歲在甲子

誥授奉政大夫同知銜知湖北宜昌府東湖  
縣事桐城金大鏞撰



東湖志前令林君平園所修及  
今三十七年矣板舊藏吏舍度  
貯不謹遂致缺失漫漶余承乏  
此邑十有餘載愬其浸傳浸壞  
目為補綴就刊計若干頁字三  
萬有奇而此志復完是書體例

跋

一

槩仿蔚宗不募不支燦狀成體  
昔秋帆畢大司馬謂可媿羨武  
功或不誣也鄉先生張椿廷庶  
使留意是書晤時輒以為言今  
廬使竣矣亟於烽火槍攘間掇  
戈為此聊以塞責云尔

賢過化地與俱韻而已帝以  
鄉後學來莅茲土則  
功令改彙陵為东湖已二十  
有七年距歐陽子令彙陵  
時已八百年矣署之東偏絳  
雪堂在焉巋然魯靈光也自

叙

二

辛巳莅官歲經三改方視事  
匝月議葺城垣以固邊方邑  
之神者渡以四大役請為額生  
三廟學街渠邑志再葺皆落  
成並製衣文紀顛末志之物葺  
也帝為歎其凡嚴子濬主其

稿泚弟彬佐其役邑紳士編  
次其卷帙旁搜博引咸二十  
餘萬言凡歐陽子所有述于  
彞陵者無不具視舊州志特  
詳惟我

國家方承平百餘年陞罷改縣

叙

物豐阜而民殷富衣冠文物  
之盛非復如歐陽子所識然市  
廛之雜甯水陸之險巖土著  
人氏之奢靡浮寓奸猾之無  
賴不根則又非前此八百年之  
情事也夫轉移風化之本貴

救其流弊之所極故奢示以儉  
而禮少興寬濟以禮而教可成  
善之惡之是之非之一準諸  
三代之直而道泯少一風俗  
可同官斯土者惡可不取裁  
于斯志歟帝愧之經術以飾

叙

四

治具而治術所發中節為難  
古之循吏平其心以約事理  
之宜明其識以達其理之要誠  
其素以立事理之本於後表  
裏始終貫徹交孚天視天聽  
少與與情共見同也士大夫

之所口道山農野老之所  
指目莫非譁然而責我以  
實也即安敢處構疑以增飾  
浮譽露才揚已以自夸大顯  
乖於斯志之所錄而特以溢  
疾惡哉夫歐陽子守官無赫

叙

五

赫之名邑人至今矜私之則  
皆易直子諒之心之所旁暢  
也校閱新志景仰前賢不禁  
廢然而知所以有返已呈為  
序

乾隆二十八年癸未陽月

賜同進士出身

授文林郎知湖北宜昌府

東湖縣宰鈴陽林有業撰



叙

六

原叙

東湖古夔陵也夔陵名始著於國策  
其地扼荆蜀之要山川形勝習俗剽  
勁靈之得其宜化之得其道類非俗  
吏之所能為之也宋歐陽文忠公嘗  
莅斯土至於今已八百餘年矣而人  
往往以為美譚維循良之名未甚赫  
赫其為政風流則固可想見乃吾考  
公當日之來夔特因事而貶非宋為  
夔陵擇官也是宋於天下形勢之區  
直鄙之為僻陋而使有罪左遷者居  
之之豈公一人之不得志已耶我

國家

聖聖相承登三咸五疆域日拓化洽遐方直

省之郡邑因地設險固時制宜各有其法夔陵州地居緊要

皇上御極之初先制樞議立宜昌府治重之也兩州地附府城者改為東湖縣此東湖之名所由昉也越二十有七年西江林尹平園以進士令是縣始輯縣志既歲事適余視學楚北按試

二

宜昌林尹進謁以叙請余嘉其不囿於俗而能以文章潤色吏治也其誠有興起於鄉先生又忠公之譯者欣故不辭而述其略若夫山川名勝之跡人情風土之宜仕宦文藝之著誌載詳覈後之覽者自有以得之余不復贅一詞矣

乾隆二十八年歲在癸未

賜進士出身工科給事中提督湖北學政

武原朱丕烈撰